

四庫全書

集部

欽定四庫全書

集部

石倉歷代詩卷二百九十五

六

詳校官庶吉士臣龍廷槐

侍讀臣

孫球覆勘

總校官進士臣朱

鈐

校對官中書臣

范來宗

謄錄監生臣

李鳳丹

欽定四庫全書

石倉歷代詩選卷二百九十五

明 曹學佺 編

明詩初集十五

張羽

雜詩

生平慕遊俠驅馬適東周
周人重千金所遇非我儔
撫劒登太山歷覽魯與鄒
小儒事絃歌齷齪安足由
北臨

邯鄲道平原曠悠悠嘗聞虞卿賢斯人不可求悲哉窮
途士緩急將焉投

擬古

閒夜會親友置酒臨高堂秦箏間趙舞吹笙復鼓簧清
音隨飄風逸響繞脩梁坐客咸同志寧復算羽觴人生
忽如寄富貴安可常含情待所歡渺渺天一方譬彼鷗
鳴鳥揚聲待朝陽憂思怨零雨白日何時光且當極歡
宴聊以慰中腸

又

少年好繁華所愛惟桃李
結交輕薄兒攜手日遊戲
驅車洛陽陌風塵為之起
繁華在三春芳菲正鮮美
秋霜若磨折漂零此云始
豈知松柏堅冬夏常如是
迴轡舍之去深入南山址
富貴多留人且從黃與綺

又

處世如逆旅生年少至百
朱顏易枯槁鬢髮終變白
一朝氣息盡奄然返幽宅
衣裳弗復御車馬他人得
豈無

俎豆陳滿案不能食所以君子心鼓瑟娛永日佳賓時
相過濁酒聊共適況此忘百憂陶然謝形役區區塵俗
中鄙吝深可惜

雜言

此邦非吾士寄跡聊在茲旅食何所營亦復假耘耔玄
冬苦霖潦良苗奄離披至今畎澮間餘波渺相圍行恐
春澤盛耕墾失其時共虞斯人難豈獨念吾私先師有
遺言耕也有時饑且當竭所務天道非我知

又

余生憚遠涉旅寄百里餘自從去家來歲月忽已除歲
宴人事迫卷秩還故居揚艫發東臯掛席指西隅且從
營私務暫與友愛踈渺渺遵溪渚行行入吾廬依依攜
童弱藹藹會里閭啓扉玩東園綠葉榮韭蔬採之侑春
酒數酌忘饑飢但苦遭潦荒美林無舊儲猶當望來稔
尊中長不虛空名百歲後此事非我須

又

抱拙衡門下久矣忘鳴琴凝塵翳其徽絃絕調亦沈時
還置我膝命酒聊自斟高歌出金石拂拭趣已深酣來
枕之卧冥此千古心吾亦忘吾形何事待知音

元夕值雨

嚴地弛宵析遊宴樂芳年焉知向此夕寒雨暗晴川佳
盟坐成阻清觴誰共傳華燈淡無光歌管寂不喧千門
火市散九衢人跡捐弗見心所愛值此獨淒然

春寒

齋居滯積晦餘寒襲春服谷風從東來微雨亂相觸
蘭心茁還卷蟄戶啓仍伏樹冷寂鳴禽庭荒絕來躅
此時重燃火傾觴泛新醪尋芳期自愆懷人思方數
淑景元易徂掩扉愁獨宿

三月三日期黃許二山人遊覽不至因寄

曜靈無停機四序互相更唯有暮春節在昔重其名
姬旦城洛邑多士方來并羽觴隨流波逸語存遺聲
秦王臨河曲高會列簪纓金人貢長劒夷夏俱來盟
偉哉伯

王業小人非所營獨愛晉諸賢流風有餘清亭臯列茂
樹脩竹蔭崢嶸幽蘭交綠坂清湍左右鳴濟濟少長集
鮮鮮春服明中有王與謝文華冠羣英沿坻玩流轉列
坐無所爭觴來不復停篇翰隨意成一醉達天和曠然
遺死生俯仰宇宙間何物累其情

春初遊戴山

雲羅橫四海田野無遺英尚賴二三子共怡山水情煦
煦新陽動寥寥天宇清昔人稱四美茲晨遂成并前登

高丘阻遙睇澄湖明憑林招遠公松檜自成聲俛仰天
地間微軀良不輕安能自羈束坐使衆累縈處賤足為
貴抱素詎非榮逍遙解神慮庶以適吾生

雨夜

寢閣去門遠春雨荒園夕誰謂在人境宛似空山客禽
歸暗竹喧風斷疎鐘寂戚戚寡歡悰良宵端可惜

春山瑞靄圖

鶯啼山雨歇前川綠正繁人家在深樹雞犬晝無喧澹

澹流水意依依田父言謾鼓木蘭楫往遡桃花源

觀稼

仲秋積風雨長空夜來晴幽居悶無悰散步南田行歷
覽周四隅禾稼如雲平嘉穗覆高隴秀色接遙城斜陽
照阡陌田禽時一鳴預知年穀登行看倉廩盈玩景欣
美物為農喜歲成方同閭里歡佇詠一開情

晚涼放舟

徂暑驚節謝幽煩倦日永翫舟來夕涼沿渚入煙境靄

靄殘陽飛沈沈綠陰靜蒼茫水容寂照見歸禽影開襟
招遠風延目認遐嶺偶遊非素期炎氛聊暫屏守拙寡
世用尋幽得澄景清賞猶未愜孤舟當重整

夏日北窗獨酌

仲夏邁時雨嘉木含餘清北窗偶閒坐壺觴聊自傾數
酌忽已醉酣歌漫成聲緬懷劉阮徒邈焉起深情百年
亦何為忽如流電驚奈何世間人役役徇虛名不如任
達生相對芳樽盈

立秋言懷

閒居昧時節颯然驚早秋
梧葉下中庭火星向西流
寥寥天界闊蕭蕭林逕幽
感此動中懷歲月忽已過
素髮早垂領前途行未休
賴此一觴酒且復慰淹留

又

開秋多涼氣時物忽已移
蟋蟀鳴空庭悲蟬號故枝
綠樹變紅葉悽愴令人悲
如何行路子式微忘歸期
辛苦求名譽定與黃鵠隨
不學首陽士守義寧樂饑

初晴登望

茲晨氣候佳淫霖始云歇舉目眺西岑青翠連城闕卉
木藹陽和朝霞互興沒野杏花新試谷鶯聲乍發巖壑
晴色斂雲煙夕霏豁遇物感時芳馳思生超忽心勝景
無厭理存情自達延詠賦新篇聊當慰寂蔑

雨中偶成

空齋自瀟灑況復值秋初焚香對微雨如在古僧居庭
寒夕鳥下煙澹暝松疎知君寫詩處高情方似予

戴山石上聽松

溷耳俗喧久茲晨一清聽長松遞商飈哀壑互相應奔
騰駭濤瀨窈眇韻笙磬至音不假器始覺自然勝緣觸
故成聲動極還歸靜此時憩石坐默然待其定乃知棄
瓢者未悟聞中性

雪後

夕霽衆禽喧殘陽照山雪徒令掃幽逕依然人跡絕綠
尊時自命青箱誰共閱默默待歸期故園寧久別

震澤

具區維南澤洪渚奠吳會并包潢汙聚涵育魚龍大崩
浪撼坤樞水氣積陰晦蒼茫神靈遇極目光炯碎中有
兩洞庭秀色迴相對峭立根虛無接影浸淡瀨飛鳥去
何窮長垣亘天外風波多險阻舟檣易傾壞緬思懷襄
初洪濤渺無界賴茲神禹功底定永無害吳越何區區
向北角成敗賢哉鴟夷翁臨風發長慨

碧瀾堂

藹藹層城陰，瀾瀾溪流漫。問誰所構堂，軒窗傍高岸。答云唐刺史，文采當時冠。華筵勢獨高，賓佐俱才彥。吹簫橫落日，畫鷁如雲散。健兒揚旌旗，水戰逞奇玩。臨流賦新詩，意氣共稱歎。烽火幾荒殘，城郭多遷換。歌聲久矣滅，郵亭鎖溪畔。臺傾鳥雀下，闌壓鳬鷺亂。惟餘南山青，依然眼中見。

升山

升山橫道傍，秀色佳有餘。雖微千仞岡，層巒自紫紆。右

軍晉高士曾此眺郊墟苔逕存遺跡千載沒荒蕪想當
登臨日俯仰凌八區放浪形骸外遊目多所娛惜無登
高作儷彼蘭亭書我思見其人臨風一躊躇

下菰城

迢迢下菰城乃在衡山址卜築自何人云是楚公子連
峯負崇墉重闌抱溪水得非蒸土成詎乃久不圯衢路
化為田睥睨猶可指牛羊恣來牧狐兔穴不起想當豪
貴時賓客盛莫比高門遊俠窟諸侯交贄禮劍佩紛相

摩羅香曳珠履榮華不可常零落今如此豈徒雍門琴
獨下田文淚

郭璞祠

桓桓吳興城孰初相其宜連山如崇墉二水從中馳乃
於蛟龍宅奠此民人基定鼎非有道孰能固郊圻昔者
郭叅軍青囊挾幽竒徘徊瞻風氣卜吉實在茲功德彼
生民祭法古不遺遂令千載下血食無窮期

閒齋獨夜

藹藹山景夕閒齋淡幽素高人寂未寢坐聞清漏度良
宵殊未央華月出深樹虛窗響暗接微風吹白露感物
悟清景臨風暢神慮幽獨堪自怡何用乘軒顧

奉答吹臺先生送蜀山人見簡之作

若人辭天階消搖寒江汜言送將歸人復念林中士殷
勤吐芳藻綢繆寓深旨文虹被林薄明珠照泥滓子畏
伐檀刺予懷白駒美道同無殊轍神交有妙理索居序
已積孤遊情難委寫心酬妍唱怛然慙下里

懷方員外以常

丹霞散淪陰皓月出東山驚颺鳴高樹飛鳥繞林間攬
衣起徘徊白露浩已團豈無一尊酒慰此中夜寒良朋
邈已遠獨酌那成歡薰蕕不可和膠漆不可解自非同
心交誰能久不改

張節婦

行者不復歸處者長相思昔與君別處乃為大暮期杲
杲白日光其雨在何時惟有明明月可以比容輝兔絲

附女蘿窈窕不相離青青忽已槁纖纖難自持他山豈
無木林木豈無枝念彼綢繆好甘隨秋草萎感茲以終
老鬢髮皓如絲耿耿柏舟誓千載同所歸

成詠

少年未識事冠帶逐時流一悟名為妄悠然返林丘假
此精舍居蕭條巖徑幽竹樹共清密川澗屢環周高峰
延新旭華棟鳴晨鳩晞髮東軒下羣書散不收況有同心
交觴咏接綢繆始來適朱夏令已踰素秋謬處山水宅

棲泊愧淹留

過雲巖

逶迤度前峰到寺行屢歇齋庖竹外煙汲路松間雪觀
水悟真源聞香解禪悅欲共老僧談相對還無說

懷景佺師

旅宿厭煩喧愛此僧居靜蓮宇已摧頽茅齋自清迴山
光林際來野色雨中淨池水不生瀾袈裟坐相映累日
滯幽尋綠苔應滿逕

送許尊師還大滌洞

青山九鎖處白髮一龕居清齋誦黃老不閱世間書餐
霞食真氣對月禮空虛暫來流水地應與孤雲疎遙知
還山日仙壇春草餘

扇上墨萱

團扇復團扇團團三秋月上有宜男草可翫不可折宜
男何足貴能令憂作悅憂思既可忘為君忘炎熱無障
西風塵汙此皎如雪

題采苓子卷

春山靄衆綠靈苗何處尋孤芳不自掩迢遞入幽襟
寒條繁露散濯根寒澗深持此當朝茹清齋延道心

寄金許二高隱

輕雛始颺幕新篁稍翳隣非關杜來迹苔徑自無塵
獨以靜為賞彌懷心所親倘畢東臯務一來存故人

獨夜聞雪

未知雪意就向夕足寒雲茅齋夜自掩孤枕夢回聞暗

飛方瑟瑟誰起看紛紛却憶梁園客既醉復能文

擬過園隱阻雨

在遠每傷離既近還成隔飛雨渺何窮佳期悵難得人
寒市井空天晚江潮白知君掩閣卧終朝遲來客

石門道中

依微鳥外村遙遙煙中驛帆重因沾雨柁轉時驚石遙
岑樹共青淺浪鷗同白離索詎須歎來往誰非客

續懷友

幽居古垣下共彼嘉樹陰里隣豈無好念于是同心芳
英帶露折清尊向月斟欲往尋遺躅荒園春草深

送方員外力疾歸吳興

終年不出戶出戶即相違疾病欣在告田園應暫歸天
寒孤舟發歲暮行人稀棹師遵舊路田翁識故衣望閣
桑梓在入里人民非傷哉展丘墓遽爾辭荆扉居鄉如
遇客回首情依依晴春入舊臘積雪含清暉佳期遲子
還勿愛故山薇

送莫翥入郭知還谿居

舉世皆如醉何人獨愛才
余雖識君者相對亦徒哉
落日收書卷涼風送酒杯
紛紛排俗悶空谷遲重來

又

蟬鳴山郭晏一棹出煙扉
涼風將皓月迢遞送君歸
自識門前樹遙聞窓下機
應歎縑塵滿臨流一澣衣

讀書圖

幽棲出塵表脩翠連松竹
袖得碧苔篇閒來石上讀
日

暝欲忘還山空人轉獨

晚過費山人園居

畏景惜高駕端居抱頰憂
今晨微雨霽為此隣曲遊
一造幽人居蕭然知蚤秋
脩竹滿西墅早稼盈南疇
坐對故人興復茲庭樹幽
閒園採夏果茶瓜當獻酬
積暄欣物曠耽賞遲景流
共是棲閒客來去復何求

雲山圖

山氣寂已晦川寒歛如夕
沈沈綠樹多隱隱千峰出
碧

嶺藹煙華寒泉散石脉高閣出林端古逕稀人迹玩圖
心已澄對景情踰適感彼岩棲人終朝自幽寂

茗陽草堂

閒居守耕作結宇臨溪曲林扉晝常扃端居延昏旭高
荷映窗晚清渠含苔綠逍遙遠塵事澄心對簡牘筆硯
發幽芬琴酌招近局長吟匪求偶冥觀真寡慾羨君棲
閒意於焉保貞獨

過黃徵君新居

莊生寄漆園子綦縶南郭逃虛本無迹委蛇聊自託子
欲隱東山常恐負所約幽棲若有期茲焉遂先豁塵心
頓舒捨人事俱濩落開窗泊迥渚啓扉見層壑田逕莽
縈迂溪流無淹薄編槿代列牖掛席當懸箔釣水臨苔
檻玩山依菌閣安居志已順相親情自度高懷既超曠
外慮徒叅錯願焉長如此守道且為樂

題晚翠軒

百卉與時悴遺榮獨含芳葱龍耀朝日奕葉凌嚴霜啓

牖延清影俯檻挹寒光夕隕謝浮艷後凋保貞常幽人
抱高節晚歲此徜徉

送弟瑜赴京師

何由行邁遠服役向京師飲餞列長筵簫管清且悲豈
徒兄弟情亦有同門思婉戀辭師傳惆悵別親知朝發
戴山渚夕次吳江湄飄飄冒風塵嚴霜薄征衣索居心
易感懷土念多違願言保令體慰此連理枝王事有更
代歲晏當來歸

題胡玄素畫

我有一區宅寄在匡廬山香爐起戶外瀑布落簷間梅
老花空發庭芳人未還惟見藤蘿月夜夜照松關

歸過白馬湖

沿流信歸棹漸與青山遠遙見礪鵝飛薜蘿春尚淺空
嗟心愛離莫緩愁腸轉不對芳樽酒紛思終難遣

獨不見

南國有佳人容顏美無度臨風弄寶瑟其音怨而慕未

奉劍驚迎詎肯涉行露小院落花深草生春日暮掩關
獨不見淚下濕紈素

長干行

長干人家向江住朱雀橋邊舊衢路參差碧瓦颺青旗
繫纜門前有楊樹竹弓射鴨向汀洲家家無井飲江流
女兒數錢當酒肆商人買笑開娼樓謝家子弟如蘭玉
不見當時舊遊躅夜深月滿大堤寒愁聽陳王後庭曲
送君策馬此中行江邊遙接石頭城愁來滿引金陵酒

莫聽秋風淮水聲

溫泉宮行

煌煌帝業三百年
驪山宮殿空雲煙
美人艷骨為黃土
山前不改舊溫泉
溫泉雖在君王去
芳草淒淒滿宮路
泉聲如泣日將暮
山鷄亂鳴上林樹
憶昔玉環賜浴時
紅樓綺閣香風吹
頭上寶釵涼欲墮
蓮步輕扶雙侍兒
有客今年曾過此
宮壞牆傾山色死
虎旅知更不復聞
池上玉龍猶噴水
當時此水在天上一
沐恩波榮莫比

六宮粉黛不收唾今日行人競來洗

余將軍篆書榻本歌

余將軍守舒州舒州之城大如礪長江西來繞城流賊
船如雲壓城破將軍提劍城頭坐劍未動虜已奔鯨鯢
蔽江江為渾狐軍六年二百戰王師不來城自存無兵
猶足戰無食安可支豈無愛妾與愛馬殺之不解壯士
飢力盡矢竭將奚為倉皇辭舌罵不已義士千人同日
死祇今還有盡忠池碧血清冷化為水將軍持節東州

時作此篆書形崛竒妙墨已隨神物化好事當時臨得之雖非其真意獨在垂金屈玉蟠蛟螭我拜重是忠臣跡秦相雖古其人非

趙魏公竹枝歌

趙魏公宋王孫風流白皙更能文丹青自比董北苑書法兼工王右軍至元詔書徵草澤召見廷中推第一三府趨朝賀得人萬乘臨軒賜顏色殿前落筆侍臣驚鷄林象郡皆知名夫人通籍宮中宴兒子承恩內裏行一

家三人書總好天子頻稱古來少疏廣歸來有賜金張
芝閒處多章草全盛須臾那可倫百年喬木易成塵淒
涼故宅屬官府零落諸孫隨市人空留遺跡傳身後一
紙千金爭買售屏風畫絕為誰收團扇書工亦何有唐
生購得墨竹枝一尺中含千尺姿若非松雪齋前見應
是鷗波亭下披曲池漸平臺已壞露葉煙叢竟何在唯
有雙溪水北流至今尚遶空牆外

望太湖

登高丘望遠澤蓬萊三山不可測何如具區三萬頃洞
庭連娟向空碧東風吹盡吳天雲玉盤雙螺翠堪摘我
昔東遊鳳凰臺嵯峨巨觚如山來白波不動鏡光曉雲
飄千幅爭先開中流縮首心茫然恍如乘雲行九天驚
濤忽逐迴風旋砰雷轉轂奔雪山龍伯鬼國見眼前失
勢一落獍蛟涎舟師拍浪咒浪婆我亦再拜不敢言平
時之險且如此何況震蕩洪荒先帝堯咨嗟逾九年黃
熊無勲沒羽淵有子大聖與天通一朝出我羣魚中試

觀此湖險始知四載功長養草木華無心謝春風吳越
之事良可鄙虎戰龍爭方未已水犀百萬今安在惟見
夫椒白雲裏鴟夷身退帶蛾眉不直滄波一杯水

莘叔耕畫梅雪軒

好畫誰如莘棗強墮馬折肱猶未忘何年寫此寒林趣
精絕未數左手王屋裏何人坐吹笛似是南昌郡中客
曲終微雪忽飛來開門滿樹梅花白

送金秀才歸侍

風吹歷陽樹石城悲早秋高堂入遠夢拂袖登吳舟金
陵官酒如乳香手酌送君朱雀坊前日同來二三伴此
時望君俱斷腸科名古來人共美富貴不如歸故鄉年
年隨計多辛苦十上風塵竟何補秋卷留將篋內歸彩
衣重看階前舞當時縣令親勸行今日還家父老迎門
外清溪仍可釣山下石田躬自耕子身長健親長在黃
金如山不可買君不見長安城中罷官客欲作布衣那
可得

高尚書畫

君家此畫何由得峭壁陰森如鐵色高閣平臨煙露低
長松總含雷雨黑寒綃七尺半是雲深林窈窕路莫分
幽尋恐與神明遇靜聽唯應猿犬聞海嶽有圖絕低小
後來作者何足云主人借問誰能爾惟是房山高使君

杜宇

國亡知幾代啼血轉聲頻爾自無歸處何須更勸人煙
深青嶂曉花落故城春任是無情者聞時亦愴神

江村夏日

江村夏景深蒲稗綠沈沈
浣女朝相問漁舟晚共尋
晴雲飛石燕夜雨闌沙禽
一聽滄浪調懸知訝此心

涼夜

金氣已呈秋新涼入夢幽
閨人砧欲動侍女扇初收
玉露清瑤簟銀河繞畫樓
更憐今夜月隱隱樹西頭

聞蛩聲

微羽感秋鳴爭先似不平
輕隨殘漏斷細雜遠鐘清
寂

歷催寒意殷勤織情遙知孤枕客白髮此時生

夜宿山房

清絕早秋天禪房碧嶂前草蟲依定石竹露潤爐煙月
靜蓮花漏風披貝葉編此心無所著應解悟初禪

江晚旅懷

短長亭下景引睇入吟哦疎樹立寒色短煙行夕波山
空秋氣老江遠客愁多忽動匡廬興白雲生薜蘿

池上

秋水轉庭柯臨池晚興多禽閒棲缺岸魚戲動涼波露
浥將衰柳風軟欲敗荷雖無江海思咫尺得頻過

送劉仲鼎歸杭州

欲別又牽衣傷心故舊稀自憐為客久不忍送君歸遠
岫明殘雪空江淡落暉東風重回首一雁背人飛

客夜懷王英甫

半生江海上猶未卜菟裘今夜雁初過他鄉人正愁青
燈孤枕夢黃葉一庭秋何日尋歸棹山陰訪子猷

寄贈一見禪師

名藍不肯住招隱始中年
白日無來客青山獨坐禪
磬敲松頂月茶煮澗心泉
見說銜花鹿時來坐下眠

早春遊望

燒燈城郭嫩寒天
早覺春光滿眼前
山翠全輕猶帶雪
柳絲纔長便宜煙
佳人挑菜寧辭遠
公子尋芳各鬪先
從此陌頭車馬動
誰能閒坐負芳年

春雪

不肯呈祥向臘前却來迎瑞入新年
鬪粧已落梅花後學舞還居柳絮先
久積已迷芳草地易消還避艷陽天
遙知大輅躬行處共賀璚瑤滿舜田

過吳即景

片帆迢遞入吳煙竹淑蘆汀斷復連
柳蔭濃遮官道上蟬聲多傍驛樓前
近湖漁舍皆懸網向浦人家盡種蓮
行到吳王夜遊處滿川芳草獨堪憐

夏夜宿道場

山僧結夏獨安禪對客談空石作筵架上金經傳白業
庭前翠栢長青年松廊月冷驚棲鳥石室風清滴暗泉
擬就遠公脩淨社共持巾拂斷塵緣

行樂過西崦

白日都消筆硯間偶因行樂到松關秋聲不盡蕭蕭葉
夕景無多淡淡山蛩響寒齋僧自定苔荒深院客常閒
已知身世俱成幻莫嘆西風鬢易斑

僧居寒夜

山館蕭條寢復興
經聲遙出最高層
客愁無伴依童子
禪學多難憶古僧
階下鳴蛩沿定石
竹間棲鷁避懸燈
遠遊亦有幽居志
擬絕塵緣愧未能

曉過淮陰

軍城鐵鎖曉開闢
使節星馳未敢閒
淮水東流應到海
瓜洲北去少逢山
行人欲斷寒煙外
遠燒時明亂葦間
却憶帝城風物盛
禮成須及上春還

送人之官閩中

鄉情寥落宦情牽一片征帆帶雨懸
投驛遙瞻閩嶺樹
問程先下浙江船
公庭理訟桺外客舍鳴禽荔子邊
聞道武夷山水勝經過須為一留連

贈彈箏人

先輩曾將舊曲傳
纖纖銀甲更堪憐
清和未數湘靈瑟
哀怨應同蜀國絃
鶯弄晚風啼復歇
鴈飛秋水斷還連
坐中北客聽來少
暗想當時一惘然

揚州道中

馬頭津口足風波歲晏遙乘一傳過南渡客來多漢語
下江船去半吳歌蕪城總入新編戶瓜步斜連古漕河
何處吹簫明月夜野田茅屋曉煙多

閩中春暮

吳山歸夢驛程賒身逐孤帆客海涯九十日春多是雨
三千里路未歸家桃柳土潤蠻煙合楊柳江深瘴霧遮
倚徧欄杆愁似海杜鵑啼過木蘭花

送越上人住蔣山

落落晨星耆舊稀
翻然一出振禪機
石頭路滑有時到
山頂雲深無夢歸
帆葉飽風衝白浪
雪花和露濕緇衣
八功德水談空處
應有江禽入座飛

答山西楊憲副故舊見寄

晉鄙遙山接太霞
十年從仕鬢空華
秋來有鴈偏催客
臘盡無梅更憶家
私屬羊毛皆入稅
邊風馬乳代烹茶
翻思共隱江南日
每為論詩到夕鴉

山中景

獨坐澗邊石林空
秋意長夜深山月白
松露滴衣涼

晚眺有懷

相思天外人極目
倚山閣一鴈不飛來
寒汀暮潮落

畫

白雲飛不定青山斷
復通澗道聞機杼時
鳴春樹中

又

一雨漲新綠雲開四
山繞人掩葦門深斜
陽照江鳥

仲穆著色蘭二首

芳草碧萋萋思君澧水西
盈盈葉上露似欲向人啼

又

驚興去不返風雨湘江曲
芳草獨無情還如裙帶綠

保公巖

青苔滿石龕隱隱跣跡想見夜禪深
巖前雨花積

蘇小墳

冷落百花朝無入上畫橋東
風吹綠草依舊似裙腰

畫

嵐深山影寒樵響不知處綠樹早鶯啼千峰一家住

又

孤邨翳餘景涼飈洒空谷斜日淡煙蕪坐看千里綠

月牖

園井汲寒淥當窓煮金屑應有山僧來問君泛春雪

春夜

夜靜風簾掩復開南園煙月正徘徊此時客夢渾難就

無奈花香枕上來

惜春

重重綠樹掩園扉
無奈庭前花亂飛
試向鏡中看白髮
能消幾度送春歸

雨霽

雨霽垂楊帶煖煙
千村草色淡相連
殷勤好問桑間女
今日春蠶第幾眠

白鳥

門前春水下輕鷗
來往偏能近釣舟
却似南唐圖畫裏

杏花蒲葉滿汀洲

送春

今朝簡歷知時換
落絮飛花各闌輕
謾把一杯留別意
夕陽時節更傷情

夏日聞鶯

上林花裏亂鶯啼
日暖風柔百轉齊
何似綠陰清晝永
一聲送出畫欄西

題陶淵明像

五兒長大翟卿賢彭澤歸來只醉眠籬下黃花門外柳
秋光不似義熙前

舟中似文性之山長

朔風吹浪打蓬窓夜靜寒威不可降自嘆閒人閒未得
扁舟載雪過吳江

畫

百道清泉石上流白雲初起亂峰秋此中疑有陶弘景
飽聽松風卧草樓

寄靈隱良泐二長老

兩禪相對一燈懸
鷲嶺龍宮地悄然
七百年來無好句
泉聲空繞寺門前

取勝亭感舊

綠雨微消紫陌塵
湖光冷落似無春
朱門記得曾遊處
楊柳青青不見人

寄友

客路尋常怨別離
况逢秋色倍堪悲
一封書到千山暮

正是思君獨坐時

曉發嘉興似友

城烏啼散驛樓空一舸夷猶曙色中
不是故人今日共
定應愁絕雨兼風

登廬山甫聽雨軒感懷

華陽洞裏煙霞闊雲石山中草樹荒
惟有小樓曾宿處
年年春雨滿滄浪

燕山春暮

金水橋邊蜀鳥啼
玉泉山下柳花飛
江南江北三千里
愁絕春歸客未歸

離離煙樹

玉色宮瓶出內家
天香濃浸月中葩
六官總愛新涼好
不道金風捲翠華

石倉歷代詩選卷二百九十五

欽定四庫全書

石倉歷代詩選卷二百九十六

明 曹學佺 編

明詩初集十六

徐賁

古別離

清晨戒嚴裝送別河之干北風塞上起黃沙浩漫漫冰
雪日以繁徒旅日以寒不悲道路遠所愁衣裳單從行

義不可徒使摧心肝流光信奔馳君歸有時待但惜少年去坐令顏色改

邯鄲才人嫁為廝養卒婦

妾本邯鄲富家女學得詩書絕歌舞小時恩例選入宮
天顏一顧生春風崇臺往來十五載玉容無復桃花紅
君王寵新盛開宴還同賤妾初時見君邊銀燭照華筵
妾處秋螢閉深院當時自喜才名人如今始信詩書貧
辭君去嫁廝養卒不怨君王怨妾身

車遙遙送張都事

車遙遙馬駢駢車馬聯翩來君行獨驅馳北風吹城暗
摧土黃榆霜多寒入鼓車徒過關鷄未啼木葉千山夜
如雨丈夫立志期有成何辭辛苦關山行

折楊柳

人言折柳愁我言折柳好倘向柳邊行識君去時道

別離曲

山風吹霜榆葉老城鴉傳聲天欲曉征徒出門駕行裝

斗杓倒懸月無光我停露車客停馬
荒煙蕭蕭暗平野
一盃濁酒且須傾九月垂楊不堪把
歌聲感激絃聲繁
坐上醉人爭笑喧相逢相別皆草草
心事如絲向誰道

五索效韓偓

為性好梳裹料鬢更均腮手把百神鏡
千回自照來可憐手無力從郎索鏡臺

又

昨日下午河橋多被行人見
花稀無處藏見我新粧面一

向不禁羞從郎索羅扇

又

幾回畏春寒不向庭中走杏花都落盡雨長春苔厚我
欲掃落花從郎索鸞帚

又

琵琶性裏好曲調手中便一朝絃斷盡欲接卻無緣待
彈不可得從郎索新絃

又

閒將紅色絲結取承露囊一面芙蓉花一面雙鴛鴦不
藏鍼與線從郎索麝香

擊筑行和高季迪韻同張記室憲賦

和君擊筑吟請君側耳聽不是更容貌誰能知姓名主
人莫稱善坐客何須驚酒酣欲罷奏壯心難自平

短歌行贈杜君寅

白日雖苦短萬里落復生人生自有限難極歡愛情愚
者謀在食智者志在名愚智各有求誰能免經營秋花

容易老秋葉難再榮對酒心已醉酌酒淚先傾我非不
能遣奈此愁相縈君亦失意人請吟短歌行歌短意自
長展轉歌不停

賈客行

賈客船中貨如積朝在江南暮江北平生產業寄風波
姓名不入州司籍船頭賽神巫唱歌舉酒再拜酌江波
紙錢百梁不知數黃金但願如其多須臾神去風亦息
全家散福歡無極相期盡說莫種田種田歲歲多徭役

農父謠送顧明府由吳邑陞常熟

我家茆屋臨官道前種桑麻後梨棗年年力作不違時
人有餘糧牛有草官長下車今五年老身不到州縣前
鄉無吏胥門戶靜家家盡稱官長賢大男入郭買田具
始知官長移官去來時憶向官道迎今日去時須送行
攀轅欲留留不止我民愴惶彼民喜殷勤再拜官道傍
願飲三江一杯水

柳短短送陳舜道

柳短短春江滿
蘭渚雪融香
東風釀春暖
山長水更遙
浩蕩木蘭橈
蘭橈向何處
送君南昌去
離愁落日煙中樹

白蘋花送王汝器

白蘋花綠
靡草南風吹
碧波五月湘
江道行人勸
酒離緒多
棹女棹郎歌
棹歌黃鸝啼
時風景好大
堤日落奈君
何君今去不
可留山疊疊
水悠悠

明月篇贈章子向

商飈拂絳河圓月溢金波澄陰斜映桐池近爽氣遙連
桂渚多穿櫳窺帳虛塵淨鑒帷照牖芳香冷翫賞何人
倚畫欄瑤華翠羽流空影含情抱琴為調絃絃中新曲
重堪憐不見嫦娥空歲歲漫思湘女自年年天上人間
秋浩浩此時此景誰家好陳王園內咏初成庾令樓中
醉欲倒松醪椒醕滿金盃喜對良朋逐夜來當筵光彩
聊供覽不須催駕上瑤臺

梅花清夢辭與貝廷琚博士同賦

愁雲淡淡搖碧空
瑣窗虛掩閒微風
芳魂欲迷疎影亂
滿庭細月香溟濛
夜景沈沈春漠漠
翠禽啼春春不覺
水澁銅龍漏轉遲
霜華暗妬青綾薄
惱情橫玉泣小鸞
畫屏殘燭圓素寒
起來重覓舊遊處
曉煙十二空闌干

讀史

周衰麒麟出漢末
黃河清見之非其
時徒有嘉瑞名古
道既緬邈企慕惟
空情茫茫千祀上
此義聖所明

又

堂坳不容盃渤澥納百川大小何乃殊其量使之然鄙
人器易盈德士心廣淵美哉黃叔度千古稱其賢

又

魯連天下士氣凌七國雄能令一箭書坐收聊城功秦
軍苟不卻高名亦成空當時受黃金遂與常人同所以
有志士千古欽遺風

芟草

草生何離離沒我園中路每行又復止念我荷鋤去對

此空歎息無由展幽步
芟夷匪力殫沾裳畏晨露沾裳
既不可此意向誰語棄置獨歸來
且當息吾慮

卧佛宣講師經院贈李道人得處字

來尋講院僧遂到看經處
疎雲翳涼霄竹色映逾暮
入深鳥驚喧迴飈落高樹
喜逢方外友遂適林中趣
瞻詠更徘徊偶然忘去住

陪潘右丞燕集

輕颼變新燠疎雲釀微晴
幸接芳時燕歡承嘉會情筵

花始開杏谷鳥未聞鶯不盡杯中意更復駐前楹

過荷葉浦

粼粼水溶春淡淡煙銷午不見唱歌人空來荷葉浦無處寄相思停舟采芳杜

題銅塢後山石

山行興未窮復登白雲嶠石上識曾遊墨花破孤峭鄰僧尚未見知有幽人到

衍上人蕭然齋

高林洒繁露閒齋自翛然俄聞一葉墮應我琴中絃野
水寒欲淺遙岑秋更妍清晨理梵罷窗扉靄餘煙

七夕有雨

錦機織初罷鵲橋駕始成每是經年別寧辭冒雨行雲
帔從教濕月殿不須明但盡相逢意無語別來情

題齋前蕉石呂志學嘗題此故落句及之

芭蕉倚孤石粲然共幽姿南風一披拂綠葉相參差新
芭曉初解涼陰午正宜無由寫悶思對此詠君詩

錢彥周軒前梧竹

種分嶧山表本移沅水陰風枝和奏簫霜葉應鳴琴池
承色逾淨窗當蔭更深細花委夏井文實助春林何曾
務直幹祇欲抱虛心君念記清隱余將期遠尋

劍池

闔閭試劍處靈泉湛澄靜苔花漬餘血石色帶古礦空
山秋氣寒幽林夜光冷月明樹交壁人靜霜折綆古懷
且當置清景庶足領

中秋廣福院對月貽戴尚文主簿

秋色靜香臺
冰輪雲漢開
粲粲瑤華墮
皎皎夜光來
桂露穠棲席
蓮香滿滌盃
自欣陪笑咏
更與駐徘徊

獅子林池上觀魚

微微林景涼
悄悄池魚出
欲去戲仍戀
乍深驚遂逸
行循曲島幽
聚傍新荷密
不有濠梁興
誰能坐終日

松江道中

計程行苦遲
望堠到知漸
桃寒紅待折
蘼暖綠成染
潮

中蟹柵鳴煙際漁扉掩在路即多愁毋勞問夷險

眠雲軒

飄飄度丹檻冉冉棲瑤席拂衣疊輕素映帷變微碧
氤晝多陰浩蕩春無跡偃體怕自便寓情諒還適

曉過震澤

遙天散曉華疎星斂微采鳥聲出林繁木葉過霜改
荒村幾家成平湖衆星匯鳴夷邈無跡空煩艤舟待

西園看花燕集

暫輟南齋卷因就西園酌日臨花氣暄柳絆晴絲弱芳
樽浥桂芬華筵藹蘭焯煩襟鬱易舒秩禮歡仍畧以茲
協素懷庶可踐嘉約

懷李三莊

籬寒菊未折墻陰草易衰棲禽深避雨遊魚暗分漪幽
居自多感況此阻良期雖非間川岳同晨悵離思

步至西余山有詠

翫遊寡閒侶獨步思彌清迤邐適茲山于時蒞新晴雲

容啓朝麗林永煥春榮煖崖芳卉集陽坂纖芽萌鳥逝
何杳眇泉注每縱橫意會乃成坐興盡還復行此身在
貧賤庶少俗務縈緬懷羸臺子仰羨安期生非徒遜猥
跡永締煙霞盟

春日遊淨慈寺

看山候初晴連騎西湖道遙遙煙際墟冉冉風中篠谷
鳥聽鶯遲路遠逢花少林蹊幾登頓僧房更窺窳重來
感昔時翻令失幽抱

殘燈

閒房澹餘秋，低燈耿寒夕。
孤明慘漸微，斜照愁愈寂。
誰念殘光裏，相看有羈客。

題王彥舉聽雨軒

高竹覆南榮，寒蕉滿前渚。
蕭閒此中意，適對清秋雨。
疎簾外飄密，向窗前聚聲。
聞俱兩忘悠，然坐無語。

渡沁水

一水隨山根，宛轉流出迥。
灘聲繞縣門，孤城數家靜。
風

土殊可恠十人五生瘠土屋響牛鐸壁滿殘日影行遲
欲問宿連戶皆莫肯亭長獨見留半榻亦多幸呼童此
晚炊糲飯穀帶穎野藪不可得敢望肉與餅途行乃至
此儉素當自省

女媧廟

霍山古北鎮勢尊出羣麓山深異風景春盡樹未綠居
人苦多寒鑿土為住屋屋頂上元厚亦種麻與菽乃知
此方民猶有上古俗我欲拜其廟日斜去程促密煙斂

暝色牛羊半歸牧征徒多嶮巖村館早尋宿

題鎬生柳莊

碧山綠水轉逶迤君家住處宛相宜春風繞屋楊柳樹
為君爭發艷陽時艷陽時節風光早萬葉千絲向人好
何如遺恨武昌門難同送別長安道拂煙照水更多情
枝間百轉有啼鶯嬌傾趙女筵前舞思入燕姬笛裏聲
白花撩亂波搖蕩密影芳陰自來往坐邀釣侶把長竿
行倩菱童棹孤榜記取前時親手栽絲絲葉葉費春裁

願得傍人莫輕折歲歲年年春自來

晚歸

樵風度溪波蕩影水葉圓圓綠浮荇白沙路遠雲花靜
小艇爭先野鶴歸竹外依微衆山暝

瑤芳樓

高樓春多風日妍瑣窗瑤闌縈素煙水晶簾捲香散席
瑤芳吹入琴中絃美人手度陽春曲水意山情斷還續
三山鸞鶴夜飛來珮環搖曳玲瓏玉琴聲宛轉響春空

滿樓白月梨花風

翠竹黃花二仕女圖

蘿屋綿煙斂微夕
錦瑟罷彈機罷織
寒濃翠薄妬蟬衫
竹色搖風競疎碧
鳳聲天遠誰能聞
綠蛾黛影愁不分
楚山九點昨宵夢
淚花染盡瀟湘雲

十二月廿一日尋梅到西塢留題山家

昨日看泉到山北
石路巉巖苦攀陟
尋源未窮力已疲
百步無多幾停息
今朝尋梅到西塢
野曠霜晴好風日

兩株卻傍山家開柴門
蒨苑連叢棘老樵出迎頗解事
掃石坐我吟其側疎花冷蕊自逞妍不放寒香洗胃臆
何郎久沒杜陵老好句獨有林逋得花雖無情弗與較
嗟我懷抱花寧識明當攜酒此問春東風應念重來客

送主簿王儀中之華亭

山風吹霜溪葉老鼓笳欲斷天未曉
行人出門鷄亂啼
北斗倒懸月在西我停露車客駐馬
荒煙瀟瀟暗平野
一杯濁酒且須傾九月垂楊不堪把
歌聲感激絃聲繁

座上醉人爭笑喧相逢相別皆草草心事紛紜向誰道
送許監事北遊

楊葉差差花簇簇離筵小宴春江曲金壺酒氣暖融香
鶯簧初起鶻絃續絃聲未停君欲行晴煙濛濛搖雙旌
平原細草塵不動馬蹄聲軟朱輪輕回颺吹斷東西陌
蝶駭蜂愁日含夕歸來醉卧玉堂春夢裏雲飛葦山碧

二喬觀書圖

孫郎武畧周郎智相逢便結君臣義丰姿聯璧照江東

都與喬公作佳壻喬公雖在流離中門闌喜色雙乘龍
大喬娉婷小喬媚秋波並蒂開芙蓉身嫁英雄知大節
日把詩書自怡悅不學分香歌舞兒銅臺夜泣西陵月

詭柳

裊裊復垂垂千絲更萬絲枝殘離別處花落艷陽時泣
雨愁多眼縈煙誤學眉龍池看更好洛水種偏宜

寄衍書記

聞道歸來日空山獨寄禪施經村口市澣衲石根泉竹

色林扉掩雲深草閣連秋風苦相憶空托下方緣

同衍師訪席有道分韻得尋字又得無字

邂逅空門友仙家得共尋石苔經屐破冰溜落溪深雲
過松分影林寒鶴避陰何須謝人世心靜只山林

喜王介休過次韻

喜爾頻來往敲門每夕熏迴風偏入幙高樹偏留雲激
石灘聲轉投沙鴈字分自慙疎懶性不是厭塵氛

泛碧浪湖

邀客泛流槎開樽對渚沙
亭袍沾杏雨蘭棹撥蘋花
積水添湖滿遙山抱郭斜
閒情遂幽賞聊用荅年華

晚過西崦費氏別業贈明天目長老

煙光暗墟落澗道入層層
不訪中林士那逢西崦僧
山厨將具黍隣屋為分燈
自覺行來倦清談遽弗勝

蜀山書舍圖

山水幽深處閒居此地曾
傍花春宴客看竹午逢僧
雲樹尋新咏巖巒憶舊登
兵塵今間阻對畫思難勝

閒居

遠徑兼山水閒居得野情
踰垣驚竄鹿出樹見啼鶯
藥圃泉邊闢瓜田雨裏耕
喜無冠冕志因得少逢迎

山中琴興

巖扃露初霽旭日照高林
古澗雲蘿竊孤亭松桂深
鳴琴始成調流水復同音
為問山中客誰知靜者心

馮山人湖上別業

宅近南湖口青山盡在門
田卑常冒水鄰少不成村
住

久諳農事耽閒悟道言如君避地者今有幾家存

送江教諭

湖海相知少風塵送客初歸愁江雨積別意柳條疎楓
落迎船葉鱸香出水魚吳興尚文物吾道近何如

濯清軒

春草綠芳洲清江遶舍流芹香低渚燕波影媚沙鷗風
帶初聞笛花藏罷釣舟滄浪千古意何處問巢由

秦淮客舍除夕呈大兄

兄弟喜連床燈前話故鄉年隨窓雪盡夜入酒盃長暫
得懽情合都將客况忘何如共歸去爛醉北城旁

送潘士謙歸廬州省親

微名雖不偶且得奉慈親為客逢多難還鄉有幾人
鷺江郭雨桑棗楚郊春此去尋閭里俱非舊識鄰

題得飛雲送劉提司勝

天濶浮雲遠因風捲白衣流陰兼水淨寒影度江微不
受歌聲過先將別思飛飄揚隨去馬今夕定何依

東城道中與王守敬張思廉同賦

水郭秋風後尋詩客共過晚鴻將集渚風葉盡隨波野
客便詩思潭魚識棹歌前山青數點不似亂雲多

送易架閣

何處唱離歌前湖一棹過日斜山似近水落渚偏多寒
意歸沙柳秋風到浦荷不知今夜夢還隔幾煙波

題王材東里草堂

移家遂成隱結屋澗東隈野客分茶送鄰舟載鶴來雲

埋琴薦冷風捲壁衣開晚餉磯頭飯秋吟竹下盃余生
慕幽賞到此每遲回

送人之吳江

垂虹橋下路此地隔江湖沙樹應多橘寒魚半是鱸風
將菱唱遠舟帶夕陽孤離別琴三疊悲懼酒一壺不堪
憶君處煙雨滿秋蕪

送張明府

每喜論文久那堪又送行壺深淹別酒歌短促離程水

驛孤臨渡寒山半隱城潮生知海近木落見秋清明旦
車塵下應看父老迎

寄周記室履道

湖波遙帶夕陽低想得君家住更西隔岸衆山晴稍出
當門幽鳥晚猶啼酒緣客裏偏能飲詩到愁邊只謾題
欲倩歸雲寄離思如何卻向望中迷

次高二季迪留別韻

柴門村徑帶溪橋來往因君豈憚遙淺水不波仍漾漾

疎林無雨自蕭蕭
檣留夕照人將別
江作新寒酒易消
明日秋風重悵望
還將離思託歸潮

許將軍墓

鄉人傳有漢將軍
南郭橋邊是故墳
印出土中存舊字
碑殘火後失全文
旗捲虎牙空落木
劍埋龍氣只寒雲
當時祕器多榮賜
功業于今恨不聞

過姚大臨寓所

客居龍井古庄前
兵後人家幾變遷
亂世昔來求避地

故鄉今想賦歸田
曾邀霽月看花夜
憶別春風禁酒年
此日重過誰候我
寒煙衰草卻留連

錢氏池園燕集得春字

幸存萬死一吟身
燕賞良時豈厭頻
開到棟花風乍暖
啼殘桑扈雨辭春
清樽偏解欺愁客
短髮空慙對故人
經此亂離今得見
論情便覺轉相親

陳允中亂後歸故隴營居見寄奉答

萬事由來信有天
癯儒只合住林泉
藏書自構山中屋

束帶仍耕墓下田
但對老農談亦好
何須漂母識為賢
壯年未斷人間世
且盡平生嫁娶緣

次韻答馮信卿見寄

自愧才疎老澗濱
此身非是避風塵
長貧為讀疏經熟
多病應同藥裏親
僧患竹枝輕作杖
客分荷葉小裁巾
故人眼底惟君在
深喜書來問我頻

寄酈尚德王汝器

塵世閒身遂兩違
扁舟應是入城稀
看花雨裏宜高屐

穫稻霜餘或短衣玄鳥年年依屋住間鷗日日遶門飛
尋君不用重相問梅子林西竹下扉

遊張林山

偶為尋花到竹西兩山雲氣接高低午煙僧舍林塘窅
春野人家草樹齊水鶴晴時行麥隴園蜂暖處識蘭畦
自憐遠地歸來後纔是登臨便感悽

登崑山次易九成諸友韻

故舊相違西復東登臨偶得此時同鐘聲響落松陰外

帆影來從海氣中山鬼洞寒銷却火石僧龕古閉香風
可憐節屆重陽近斜日秋明萬葉紅

重遊道場

路入千峰石磴危經臺香閣但餘基僧從離亂居山少
客為登臨出寺遲伏虎已無巖下錫放魚空有竹邊池
曾聞至治承平日簫鼓春風過六時

贈趙安道

偶為行春此訪君山園野墅宿晴雲藥田鶴守耕相候

金匱要略卷之六
卷二百九十六
鄰屋茶香飲見分林下看花多是杏溪潯拾草始知芸
每聞拚醉消長日誰復來題白練裙

園隱圖送方以常

曾聞學圃成高隱今日携書是宦遊
隔屋尚通分溜竄傍溪空覓看花舟
菰葵盡作鄰僧供芋栗還憑野老收
後夜月明江上夢應隨歸鶴到林丘

白塔懷古

荒山勢似鳳飛騫誰構浮屠壓寢園
土厚尚封南渡骨

月明空照北歸魂
海門有路雙龍去
沙磧無潮萬馬屯
莫向秋風重悵望
梵王宮殿易黃昏

答故人楊憲副孟載

憶在桑乾契合情
別來頻見歲華更
自知詩裏閒情少
頓覺尊前老態生
桑棗誰家非樂土
雲沙何處是邊城
懷君幾度頻登覽
日午山雲雪正晴

題畫

與鳥鳴孤影汀蘋
淡素香曉來江上
樹葉葉是新霜

又

隔浦秋鴻小當江夕照空扁舟不覺重為載荻花風

記夢

夢裏綠陰幽草畫中春水人家昨夜紗窓細雨銀燈獨
照梨花

墨梅

素質卻嫌脂粉蛾眉淡掃玄霜翰墨玉堂曾侍硯池猶
染餘香

春懷次韻楊署令

柳條處處綠毵毵
只在離亭便不堪
幾度看花并送客
暖風晴雨到江南

次韻答王七隅

處處斜陽木葉飛
秋風偏在路人衣
相逢莫問離家日
燕子初來今又歸

蟬

愁斷齊奴一寸心
誰知青女怨猶深
長吟莫戀宮前柳

黃葉秋風自不禁

野亭讀書圖

書聲流水共泠泠
落木寒山路隔汀
不是秋來易傷感
夕陽風景似新亭

答高季迪酒醒聞雨

高城月黑罷鳴笳
寢舍風多燭易斜
醉裏歸來忘夜半
雨中驚不似山家

寒食前三日過桐里見梨花

清江行盡有人家
汨汨春流漲暖沙
已自深忘寒食節
無因此地覓梨花

春暮見山茶有感

宮粉凝脂竹外栽
繁華曾見雪中開
一枝自有相憐意
留向春深待客來

十一月一日始見菊花

草草重陽去不知
今朝始見菊花枝
莫言籬落秋風老
但得來看未是遲

次韻張文學見招

落葉柴扉晝不開
小牋相寄手親裁
遙知著屐空山裏
蘿逕孤琴候我來

上菁山尋王張二山人不值

此日尋君竟不逢
閒行直到最高峰
歸時已是斜陽後
惆悵荒山寺裏鐘

過山中廢寺

一榻高懸綠嶂前
窗扉掩映碧蘿煙
登臨未免傷懷抱

閒與山僧說世緣

曉發秀州

路出雙湖煙樹東
舟行長是雨兼風
夢回重有離家恨
惆悵春寒此夜中

揚州

竹西亭下路迢迢
騎鶴仙人不可招
秋草秋煙滿城郭
月明何處夢吹簫

揚州僧舍見花有感

風遞穠香到水涯
幾株桃李映門斜
侯家園圃多荒廢
不是僧房不見花

宿五溪聞舟中客歌

楓葉林邊有泊舟
夜深風雨總成秋
年來自是頻為客
一度聽歌一度愁

石倉歷代詩選卷二百九十六